

temporalem, est sanctissima & innocentissima mors Christi Jesu, per quam mortem vicit, destruxit, & exarmavit. Mortis autem vis & potentia consistit in continuo metu, horrore, angustia & trepidatione severissimi iudicii Dei, unde anima sic affligitur, ut continua & lenta morte contabescat, & tamen ut immortalis, morte illos cruciatus nunquam finiat. Scilicet hæc mortis vis, hæc potentia, imo hæc mors secunda & æterna est. Hanc mortem diabolus suis artificijs terribiliorem adhuc homini facit; unde Heb. 2. dicitur *habere mortis imperium*, hoc est, conscientias angere, cruciare & torquere metu & pavore infernali. Quemadmodum David conqueritur sibi contigisse Psal. 55. *Timor & tremor venerunt super me, & contexerunt me tenebræ.* Itē Ps. 18. *Circūdederunt me dolores mortis, & torrentes iniquitatis cōturbaverunt me.* Dolores inferni circumdederunt me, præoccupaverunt me laquei mortis. Atq; hanc mortis vim & potentiã morti Christus ademit, cōvertens ipsam in placidissimum somnum, in trāquillum abitū, & deniq; in beatā animæ corporisq; quietem. Vbi enim animæ bene est, ibi corpus placide dormit; sicut animæ pax & tranquillitas corpori quietem & somnum lenem

Im-  
perium  
mor-  
tis.

Ani-  
ma  
tran-  
quil-  
litas

nem